

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Broj: 01-02-70/99.
Sarajevo, 08. juni 1999.godine

Z A P I S N I K
sa 6. sjednice Predstavničkog doma Parlamentarne skupštine
Bosne i Hercegovine, održane 08. 06. 1999.godine

Sjednica Predstavničkog doma je počela sa radom u 12,35 sati. Predsjedavao je dr Halid Genjac, predsjedavajući Predstavničkog doma.

Sjednici su bila prisutna 33 poslanika – 19 sa teritorija Federacije Bosne i Hercegovine i 14 sa teritorija Republike Srpske.

Za sjednicu je predložen sljedeći

DNEVNI RED

1. Usvajanj zapisnika 5. Sjednice,
2. Razmatranje i usvajanje Zakona o državljanstvu Bosne i Hercegovine,
3. Razmatranje i usvajanje Zakona o zastavi Bosne i Hercegovine,
4. Razmatranje i usvajanje Zakona o grbu Bosne i Hercegovine
5. Razmatranje i usvajanje Zakona o telekomunikacijama,
6. Nacrt zakona o osnivanju zajedničkih policijskih snaga za suzbijanje terorizma, međuentitetskog kriminala i neovlaštene trgovine drogom,
7. Prijedlog zakona o Vijeću ministara Bosne i Hercegovine,
8. Prijedlog izmjena i dopuna Zakona o putnim ispravama Bosne i Hercegovine,
9. Prijedlog zakona o izmjeni zakona o putnim ispravama Bosne i Hercegovine,
10. Prijedlog odluke o utvrđivanju kompleksa zgrada i zemljišta za smještaj institucija Bosne i Hercegovine o njihovom statusu, uslovima i načinu korištenja,
11. Prijedlog odluke o utvrđivanju statusa zgrade i zemljišta u Ul. M. Tita 25, i uslovima i načinu za njihovo korištenje,
12. Nacrt odluke o organizaciji Sekretarijata Parlamentarne skupštine Bosne i Hercegovine,
13. Odgovor Ustavnom sudu Bosne i Hercegovine po zahtjevu za ocjenu ustavnosti Zakona o Vijeću ministara BiH i ministarstvima BiH koje je pokrenuo zamjenik predsjedavajućeg Predstavničkog doma Mirko Banjac,
14. Zastupnička pitanja.

Predloženi dnevni red jednoglasno je usvojen.

AD - 1. USVAJANJE ZAPISNIKA 5. SJEDNICE PREDSTAVNIČKOG DOMA

Zapisnik 5. Sjednice Predstavničkog doma je jednoglasno usvojen.

AD-2. RAZMATRANJE I USVAJANJE ZAKONA O DRŽAVLJANSTVU BOSNE I HERCEGOVINE

U ime Komisije o pitanjima ljudskih prava, imigracije, izbjeglica i azila, koja je razmatrala ovaj zakon, izvješće je podnio Abdurahman Malkić, predsjedavajući komisije.

U raspravi po ovoj tački dnevnog reda učestvovali su: Branko Dokić, Sejfudin Tokić, Mirko Banjac, Adnan Jahić i Haris Silajdžić.

Nakon rasprave predložen je sljedeći zaključak: Odgađa se razmatranje i usvajanje Zakona o državljanstvu Bosne i Hercegovine do naredne sjednice Doma i traži od Vijeća ministara da da mišljenje o Prijedlogu odluke o uslovima sticanja državljanstva druge države (dvojnog državljanstva) koji je podnijela Koalicija Sloga.

Za usvajanje Zaključka glasalo je 24 poslanika – sa teritorija Federacije Bosne i Hercegovine 11 poslanika, a sa teritorija Republike Srpske 13 poslanika.

Protiv nije niko glasao.

Uzdržanih je bilo 8 poslanika.

Zaključak je usvojen sa potrebnom ukupnom i entitetskom većinom.

AD-3. RAZMATRANJE I USVAJANJE ZAKONA O ZASTAVI BOSNE I HERCEGOVINE

U raspravi po ovoj tački dnevnog reda učestvovali su: Branko Dokić, Sejfudin Tokić i Mirko Banjac.

Poslanik Branko Dokić je podnio Amandman na članak 3. Zakona.

Nakon rasprave prvo se glasalo o Amandmanu.

Za Amandman glasalo je 11 poslanika.

Uzdržana su bila 4 poslanika.

Nakon glasanja o amandmanu prešlo se na glasanje o Zakonu.

Za usvajanje Zakona glasalo je 15 poslanika.

Protiv usvajanja Zakona glasalo je 11 Poslanika

Uzdržana su bila 4 poslanika.

Zakon o zastavi Bosne i Hercegovine nije usvojen jer nije dobio potrebnu većinu.

AD-4. RAZMATRANJE I USVAJANJE ZAKONA O GRBU BOSNE I HERCEGOVINE

U raspravi po ovoj tački dnevnog reda učestvovali su: Desanka Rađević, Sejfudin Tokić i Mirko Banjac.

Poslanik Desanka Rađević podnijela je amandman koji se odnosio na sadržaj grba.

Nakon rasprave prvo se glasalo o Amandmanu.
Za Amandman glasalo je 11 poslanika.

Nakon glasanja o amandmanu prešlo se na glasanje o Zakonu.
Za usvajanje Zakona glasalo je 16 poslanika, od toga s teritorija Federacije BiH 13 glasova a s teritorija Republike Srpske 3 glasa.
Protiv usvajanja Zakona glasalo je 11 poslanika
Uzdržana su bila 4 poslanika.

Zakon o grbu Bosne i Hercegovine nije usvojen jer nije dobio potrebnu entitetsku većinu.

S obzirom na to da pri glasanju nije bilo entitetske većinu pristupit će se, u skladu sa Privremenim poslovnikom, usuglašavanju ovog prijedloga.

AD-5. RAZMATRANJE I USVAJANJE ZAKONA O TELEKOMUNIKACIJAMA

U ime Komisije o prometu i komunikacijama, koja je razmatrala ovaj zakon, izvještaj je podnio Dragan Mirković, prvi zamjenik predsjedavajućeg komisije.

Poslanik Nikola Špirić je podnio dva amandmana na Zakon.

Nakon što je Neven Tomić, potpredsjedavajući Vijeća ministara dao obrazloženje o neprihvatanju amandmana, poslanik Nikola Špirić je odustao od amandmana.

Za usvajanje Zakona glasalo je 29 poslanika.

Protiv je glasao 1 poslanik.

Suzdržanih glasova nije bilo.

Zakon o telekomunikacijama je usvojen i s ukupnom i s entitetskom većinom.

AD-6. NACRT ZAKONA O OSNIVANJU ZAJEDNIČKIH POLICIJSKIH SNAGA ZA SUZBIJANJE TERORIZMA, MEĐUENTITETSKOG KRIMINALA I NEOVLAŠTENE TRGOVINE DROGOM

Nacrt ovoga zakona je podnio poslanik Zlatko Lagumdžija.

U ime Komisije o ustavnim i pravnim pitanjima, koja je razmatrala ovaj zakon, izvještaj je podnio Rasim Kadić, predsjedavajući komisije.

U raspravi po ovoj tački dnevnog reda učestvovali su: Suada Muminagić, Haris Silajdžić, Sejfudin Tokić, Mirko Banjac, Miodrag Deretić, Nikola Špirić, Radenka Balta, Ana Havel, Vito Rakić i Abdurahman Malkić.

Nakon rasprave prešlo se na glasanje.

Za predloženi Nacrt zakona glasalo je 15 poslanika.

Protiv glasalo je 10 poslanika.

Uzdržana su bila 4 poslanika.

Nacrt zakona o osnivanju zajedničkih policijskih snaga za suzbijanje terorizma, međuentitetskog kriminala i neovlaštene trgovine drogom nije usvojen jer nije dobio potrebnu većinu.

AD-7. PRIJEDLOG ZAKONA O VIJEĆU MINISTARA BOSNE I HERCEGOVINE

Prijedlog zakona su podnijeli zastupnici Sejfudin Tokić i Ivo Divković.

U ime Komisije o ustavnim i pravnim pitanjima, koja je razmatrala ovaj zakon, izvještaj je podnio Rasim Kadić, predsjedavajući komisije.

U raspravi po ovoj tački dnevnog reda učestvovali su: Sejfudin Tokić, Haris Silajdžić, Mirko Banjac, Ivo Divković i Nedžad Branković.

Nakon rasprave prešlo se na glasanje.

Za predloženi Zakona glasalo je 8 poslanika.

Prijedlog zakona o Vijeću ministara Bosne i Hercegovine nije usvojen jer nije dobio potrebnu većinu.

AD-8. PRIJEDLOG IZMJENA I DOPUNA ZAKONA O PUTNIM ISPRAVAMA BOSNE I HERCEGOVINE

Prijedlog zakona su podnijeli zastupnici Sejfudin Tokić i Ivo Divković.

U ime Komisije o ustavnim i pravnim pitanjima, koja je razmatrala ovaj Zakon, izvještaj je podnio Rasim Kadić, predsjedavajući komisije.

U raspravi po ovoj tački dnevnog reda učestvovali su: Sejfudin Tokić, Miodrag Deretić, Rasim Kadić, Adnan Jahić, Mirko Banjac, Ivo Divković i Nedžad Branković

Nakon rasprave prešlo se na glasanje.

Za predloženi Zakon glasalo je 16 poslanika, od toga s teritorija Federacije BiH 13 glasova.

Protiv je glasalo 13 poslanika.

Suzdržanih nije bilo.

Prijedlog izmjena i dopuna Zakona o putnim ispravama Bosne i Hercegovine nije usvojen jer nije dobio potrebnu entitetsku većinu i pristupit će se, u skladu sa Privremenim poslovníkom, usuglašavanju ovog prijedloga.

AD-9. PRIJEDLOG ZAKONA O IZMJENI ZAKONA O PUTNIM ISPRAVAMA BOSNE I HERCEGOVINE

Ovaj prijedlog zakona podnijelo je Vijeće ministara.

O ovoj tački dnevnog nije reda se vodila rasprava i odmah se prešlo na glasanje.

Za predloženi Zakon glasalo je 28 poslanika.

Protiv nije bio niko.

Uzdržan je bio jedan poslanik.

Zakon o izmjeni Zakona o putnim ispravama Bosne i Hercegovine je usvojen i sa ukupnom i sa entitetskom većinom.

AD-10. PRIJEDLOG ODLUKE O UTVRĐIVANJU KOMPLEKSA ZGRADA I ZEMLJŠTA ZA SMJEŠTAJ INSTITUCIJA BOSNE I HERCEGOVINE O NJIHOVOM STATUSU, UVJETIMA I NAČINU KORIŠTENJA

Amandman na ovu odluku podnijela je Komisija za ustavna i pravna pitanja. Novi Prijedlog odluke podnijela je poslanik Mara Perkanović. Predstavnik Vijeća ministara Nudžeim Rečica je izjavio da Vijeće ministara ostaje pri svom prijedlogu.

U raspravi po ovoj tački dnevnog reda učestvovao je poslanik Mirko Banjac. Nakon rasprave prešlo se na glasanje.

Prvo se glasalo o Amandmanu Komisije za ustavna i pravna pitanja.

Za Amandman je glasalo 17 poslanika, od toga s teritorija Federacije BiH 14 poslanika a s teritorija Republike Srpske 3 poslanika.

Amandman nije prihvaćen jer nije dobio potrebnu entitetsku većinu.

Nakon ovoga Amandmana glasalo se o Prijedlogu odluke Vijeća ministara.

Za Prijedlog odluke glasalo je 16 poslanika, od toga s teritorija Federacije BiH 13 poslanika a s teritorija Republike Srpske 3 poslanika.

Prijedlog odluke Vijeća ministara nije prihvaćen jer nije bilo entitetske većine.

Na kraju se glasalo za Prijedlog odluke poslanika Mare Perkanović.

Za Prijedlog glasalo je 11 poslanika.

Ovaj prijedlog nije usvojen jer nije dobio potrebnu većinu.

S obzirom na to da pri glasanju o Prijedlogu odluke Vijeća ministara nije bilo entitetske većine pristupit će se, u skladu sa Privremenim poslovníkom, usuglašavanju ovog prijedloga.

AD-11. PRIJEDLOG ODLUKE O UTVRĐIVANJU STATUSA ZGRADE I ZEMLJŠTA U UL. M. TITA 25, I UVJETIMA I NAČINU ZA NJIHOVO KORIŠTENJE

Prijedlog nove odluke podnijela je poslanik Radenka Balta.

U raspravi nije niko učestvovao i odmah se prešlo na glasanje.

Prvo se glasalo o Prijedlogu odluke Vijeća ministara.

Za prijedlog glasalo je 17 poslanika, ali bez potrebne entitetske većine.

Ovaj prijedlog odluke nije usvojen jer nije bilo entitetske većine.

Nakon ovog glasanja prešlo se na glasanje o Prijedlogu poslanika Radenke Balte koji nije usvojen jer nije bilo potrebne većine.

S obzirom na to da pri glasanju o Prijedlogu odluke Vijeća ministara nije bilo entitetske većine pristupit će se, u skladu sa Privremenim poslovníkom, usuglašavanju ovog prijedloga.

AD-12. NACRT ODLUKE O ORGANIZACIJI SEKRETARIJATA PARLAMENTARNE SKUPŠTINE BOSNE I HERCEGOVINE

U raspravi po ovoj tački dnevnog reda učestvovala je poslanik Suada Muminagić.

Nakon rasprave predložen je zaključak a koji se odnosi na to da Komisija o administrativnim pitanjima Predstavničkog doma zajedno s Komisijom o administrativnim pitanjima Doma naroda i privremenim Sekretarijatom Parlamentarne skupštine BiH pripremi Prijedlog organizacije Sekretarijata.

Ovaj zaključak je jednoglasno usvojen.

AD-13. ODGOVOR USTAVNOM SUDU BOSNE I HERCEGOVINE PO ZAHTJEVU ZA OCJENU USTAVNOSTI ZAKONA O VIJEĆU MINISTARA BIH I MINISTARSTVIMA BIH KOJE JE POKRENUO ZAMJENIK PREDSDJEDAVALUĆEG PREDSTAVNIČKOG DOMA MIRKO BANJAC

O ovoj tački dnevnog reda nije vođena rasprava.

Predložen ja zaključak da se opunomoći Komisija o ustavnim i pravnim pitanjima da pripremi odgovor Ustavnom sudu BiH, a s kojim će upoznati Dom.

Za usvajanje zaključka glasalo je 25 poslanika s entitetskom većinom.

AD-14. POSLANIČKA PITANJA.

Poslanik Bogić Bogičević je predložio da Parlament BiH bude obavješten o stavu Vijeća Ministara I Delegacije BiH sa sastanka održanog u Bonu 27. Maja 1999. godine s obzirom na to da je ovih dana veoma aktivan Pakt stabilnosti za Jugoistočnu Evropu i uspostava novog općeg sistema i građanskog poretka za Jugoistočnu Evropu u funkciji dugoročne stabilizacije cijele regije. Istovremeno je mišljenja da bi se bavljenjem ovim pitanjima mogli više okrenuti budućnosti, koja je na pragu jer se realizacija Pakta u dobroj mjeri planira za godinu ili dvije i tek tada bi smo mogli shvatiti koliko su brojna pitanja o kojima smo i danas raspravljali, ustvari periferna i uska područja za našu budućnost, budućnost svih nas.

Poslanik Nedžad Branković je predložio Vijeću ministara da u obliku regulative riješi pitanje sporta.

Poslanik Ana Havel postavila je sljedeće pitanje:

“ Zašto predstavnici Parlamenta BiH nisu učestvovali na sastanku zemalja CEIA u Pragu, koji se održava od 6. do 8. iako su dobili poziv?”

Poslanik Suada Muminagić je predložila da Vijeće ministara dostavi Predstavničkom domu informaciju o rezultatima posljednje Donatorske konferencije, načinu i uslovima pod kojima će se obezbjeđivati sredstva sa Donatorske konferencije i za koje namjene su sredstva obezbjeđena, koje obaveze je BiH preuzela i kako ih izvršavati, kao i način praćenja izvršavanja obaveza.

Poslanik Branko Dokić postavio je sljedeće pitanje

“Da li je moje pitanje sa prethodne sjednice upućeno Predsjedništvu BiH?

Na sjednici je dobio odgovor da je pitanje upućeno, ali da odgovor nije stigao.

Poslanik Dokić je zatražio da mu Predsjedništvo odgovori na postavljeno pitanje i da ga obavijesti zbog čega odgovor nije dobio na ovoj sjednici.

Poslanik Abdurahman Malkić je uputio molbu Predstavničkom domu da uputi preporuku odnosno molbu Narodnoj skupštini RS da donese Odluku o produženju roka za podnošenje zahtjeva za povrat stana na kojim postoji stanarsko pravo, a koji ističe 19. Juna. Istovremeno je uputio i apel da Parlamentarna skupština odnosno Predstavnički dom odobri posjet članova Komisije za ljudska prava u pojedinim općinama gdje se drastično krše ljudska prava, kao i to da članovi Komisije odaberu općine kako iz Federacije, tako i iz RS.

Poslanik Mediha Filipović je postavila sljedeće pitanje:

“Gospoda Spahić, Kadić i Branković i ja dali smo prijedlog za zakazivanje jedne sjednice ovog Parlamenta koja bi za temu imala “Bosna i Hercegovina i europske integracije”. S obzirom da nismo dobili odgovor molim da se Kolegij izjasni po ovom pitanju.”

Predsjedavajući Halid Genjac je izjavio da je kolegij dužan odgovoriti na ovu inicijativu i zakazati sjednicu.

Poslanik mr. Mirko Banjac je postavio sljedeća pitanja:

“Da li je dozvoljeno djelovanje protugradne obrane u FBiH?

“Ko će nadoknaditi štetu na nastaloj imovini i usjevima u onim područjima BiH gdje SFOR ne dozvoljava djelovanje protugradne obrane?”

Na kraju zasjedanja predsjedavajući Halid Genjac je obavjestio poslanike da će se 19.06. 1999 godine sa početkom u 15 sati održati zajednička sjednica oba doma Parlamentarne skupštine Bosne i Hercegovine na kojoj bi se Predsjedavajući Komiteta Ministara Vijeća Evrope i ministar Vanjskih poslova Islanda gospodin Halord Azgrimsona i Generalni sekretar Vijeća Evrope gospodin Danijel Tarčis iz Vijeća Evrope obratili poslanicima Parlamentarne skupštine BiH.

Sjednica je završila sa radom u 18 sati.

Sastavni dio ovoga zapisnika su tonski zapis i magnetofonski snimak.

PREDSJEDAVAJUĆI
PREDSTAVNIČKOG DOMA
dr. Halid Genjac s.r.